

# **Gius. Ant. Monn, mistral**

Autor(en): **Berther, Battesta**

Objekttyp: **Obituary**

Zeitschrift: **Igl Ischi : organ della Romania (Societat de Students Romontschs)**

Band (Jahr): **16 (1918)**

PDF erstellt am: **28.05.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, [www.library.ethz.ch](http://www.library.ethz.ch)

<http://www.e-periodica.ch>

# † Gius. Ant. Monn, mistral.

Da stud. rer. nat. Battesta Berther.

Mistral Giusep Antoni Monn ei naschius ils 2 d' Avrel 1846 a Mustér ord beinstonta familia. Sper ina fetg religiusa educaziun en casa paterna, ha el medemamein era gudiu ina legra giuventetgna en compignia de varga diesch fargliuns. En ses giuvens onns ha el frequentau la scola primara el vitg Mustér, suenter duas classas sin claustra, e quei ei, ins tertgass buc, tut la scola, la quala mistral Monn ha gudiu. Tut il rest ha el empriu en la scola dell' atgna experienza. Jl latin di ge «experientia docet», l' experienza dat il meglier scola. Gia da diesch onns ensi ha el, sco «maior natus» stoviù gidar il bab tier las stentusas lavurs dil funs e quei ei stau sia clamada, accompagnada cun aunc outras grondas lavurs e merets, alla quala el ha surviu pli u meins tochen sia mort. El ei staus in pur, il motiv che ha fatg el schi populars. E la scola d' in pur ei, sco mintgin sa, buca ina pintga, ella ei schizun la megliera per in um, che sto silsuenter sedar giu il pli bia cun ils purs, cun il sempel pievel. Cheu ha el empriu tras atgna experienza co gidar il pievel, co vegnir suenter a quei u tschei

pign giavisch d' in engrazieivel pur, cheu ha el empriu de stimar il stan puril, mo cheu ha el era aquistau sia beinmeritada confidonza.

Suenter la mort dil bab ha gerau Monn, sco ins numnava el pli tard lunsch entuorn, stoviu surprender ella vegliadetgna de biebein 20 onns il tenercasa. Ed el ei staus, sustenius da sias duas soras, che han surviu el, in luvrus e spargnus tgaucasa tochen sia mort.

Ei interessescha forsa bein enqualin de clamar en memoria oz aunc ina gada tuts ils uffecis, pigns e gronds, ils quals gerau Monn ha giu en ses mauns durond sia entira veta. Jeu crei, che quei seigi d' engrau schibein a scolai, ils quals han giu bia communicaziun cun el ed enconuschevan el meglier, ch' il scribent de questas lingias, sco era a buca scolai, ils quals anflan cheu in mussament, co era in buca scolau sa sesalzar pli e pli ad ault, sa preparar a sesez, senza cudischs grecs e latins la scala ed ils scalems d' honurs.

Igl emprem uffeci, sche ins astga numnar a-schia, ei stau, «capitani de mats». Jl bi exempl, ch' el deva alla giuventetgna sco tal, vi jeu pli bugen schar raquintar in um de siu temps. Mo ina biala admoniziun, che jeu hai mez udiu a raquintond ord bucca ded in um vegl, seigi citada. Las fiastas-sera avon che schar ira la compignia de mats a casa, scheva el tier els il bi plaid, ord il qual nus savein aunc prender biaras e bunas qua-

litats, ed il qual era fetg el liug per quels, sto es-  
ser gia da glez temps: «mei ruasseivlamein ed en  
paisch a casa vossa.»

Sias empremas forzas, las qualas carschevan  
pli e pli, ha el dedicau a sia cara vischnaunca na-  
tiva. Nus anflein mistral Monn 1875 sco stathalter;  
1877 sco ugau della baselgia parochiala. Quei uff-  
feci ha el giu en ses mauns tochen sia mort, pia  
39 onns, ed el giavischava pér en ses davos dis-  
sche mo Niessegner schassi viver el aunc in onn  
e lu fussi el 40 onns ugau-baselgia.

Co el ha adempiu durond quei liung temps siu  
duer, selai mirar vid il beinstar della baselgia, co  
el ha giu quitau per ella dian las restauraziuns,  
renovaziuns e reparaturas, ch' el ha schau far, co  
el ha capiu de tener casa, nunditgond tuts quosts,  
san ins enconuscher ord ils quens, ch' el ha me-  
nau gest e bein.

1881—83, 91—93, e 1902—04 anflein nus Sep  
A. Monn sco secund gerau de vischnaunca; 1883—  
87, 1893—1900 e 1913—14 sco president de quella.  
En quei liung temps, durond il qual el fuva en quei  
uffeci, ha mistral Monn giu grond quitau e gronda  
premura per ils fatgs de vischnaunca. Dapi 1888  
tochen la mort commember della commissiun pau-  
perila; 1892 president de quella. Repetidamein eis  
el vegnius elegius ella dertgira cirquitala e distric-  
tuala, ella davosa da 1884—93 sco suppleant, da  
1893—1905 sco derschader.

Dapi la mort de prof. Placi Condrau fuv' el directur della casa pauperila, in difficultus, mo engrazieivel uffeci, ina grond' ovra della misericordia. Avon che ir ord vischnaunca, seigi aunc clamau en memoria ils gronds merets sco ugau de tonts offens e tontas vieuas, per ils quals el ha giu quietau pir che per sia atgna casa.

Mirein nus atras cudischs de cumin, sche anflein nus era cheu bein savens Sep Antoni Monn numnaus; aschia sco emploiau de stumadira avon la lescha nova da 1882—1890, suenter sut la lescha nova da 1901—1907; da 1902—1910 sco derschader; 1907—1909 e 1909—11 sco deputau dil cussegli grond; 1907—09 ornaus cun il grev manti tgietschen della mistralia. La nomina per il bienni vegnent ha el muort schliata sanadat ed avanzada vegliadetgna buc acceptau. El ei staus cuntents cun la confidonza mussada ad el da part siu engrazieivel pievel en curtin cumin.

Dapi 1911 anflein nus mistral Monn, suenter exemplil dil vegl Cato, a vivend plitost sereratrags. Sia malsogna, e principalmein sia schliata vesida, lubevan buca ad el de surprender pli uffecis. El saveva dir cun buna conscienzia: «Jeu hai fatg il miu per quest mund e speronza che mes succcessurs vegnien a menar vinavon tut bein e sco ei sauda.» Mo era quei davos temps savein nus buca dir, ch' el hagi fatg nuot. Aunc duas jamnas avon sia mort havev' el de regular quens de sias ugadias

ed aschia ha el dau tochen il pli davos a nus tuts in exempl de nunstunclenteivla luvrusadat ed admirabel quita.

Bein ils biars de nos umens han giu l' occa-  
siun d' emprender d' enconuscher mistral Monn sco-  
derschader de paisch, e sco tal era siu caracter.  
Perquei seigi ei detg quortamein: El era in um fetg  
religius, sez in exempl de paisch, siu caracter in  
solid e ruasseivel, siu cor in bien e niebel, prompts  
de far survetschs a pign e grond, a reh e pauper.

A quei um, che ha fatg tant per il beinstar  
general, che ha giu tant quita per paupra gleut,  
orfens e viewas, a quei um de paisch e sacrificion-  
tadat, a quei um de bien cussegl e giustia, a quei  
amitg de stat e baselgia detti Dieus la beinmeritada  
pagaglia.

R. I. P.

---

---